

小重山房詩詞全集

詩船詩外卷三

華亭 張祥河 元卿

八月二十六日朝陽坡行帳置酒爲太夫人壽謹成一首

朝陽坡上麗朝陽
扈蹕東來載寵光
菊酒尊開行帳暖
桂花秋繞里門香
文殊菴接慈雲
茈果老河增翠水
長定省西湖成隔歲
記隨羣從拜家慶

深河邨

古邑臨榆近深河曲曲環夕陽紅瓦店朝靄紫
荆山竈溼東瀕海樓高近倚關澄波明日望蓬
島有無間

澄海樓距文殊菴十五里是日以散直較
晚未及往登

緣慳望海一躋攀後至應期扈 駕還眼福徒
思空萬頃神遊只許夢三山扶桑旭采朝飛棟
大漠風聲夜撼關題壁吾家鴻爪在曾聞 天
藻憶仙班先文敏公嘗奉 勅題壁 純廟聖
製詩有壁惜張蹟佚之句註云張有

瀛海仙
班印

關外早行

山凹殘月夜冥冥
大石巖沙轍路經
忽聽邨歌腔
自度一音一字和駝鈴

沙河所借傳秋坪小憩古刹

與子約並轡海天快遐矚
今秋節序遲塞柳尙
深綠飲馬向沙河
河隄轉繚曲古刹當我前
佛座漏初旭老僧出迎客
短衲跛一足伊蒲饌果
蔬亦復倒醺醪顏垣著
堦卉到眼頗不俗惜乎

草草杯門外輪蹄促

右門子

犂确向山麓盤盤路折旋秋林黃綴露遠水白
生煙澗斷雙虹跨岡迴數騎連遙看沙漠地所
在盡腴田

大凌河

大小凌河水草滋牧場萬馬聽朝嘶下臣亦預
天閑賜簪筆來膺垌野詩例從臣至大凌河
賞馬匹

閭陽驛

松杏山過 輦道開長隄無復陟崔嵬平明策
騎閭陽驛萬疊芙蓉到眼來

廣口

不思堅壁欲如何持論朝堂主戰多六萬軍隨
猿鶴化至今流恨大凌河

謝祁春浦許滇生餽鷺

南齋兩供奉折簡餽生鷺遠驛攜之往比鄰奈
爾何岐亭新戒律墨沼舊恩波留伴能言鴨天
隨樂意多

重九

白旗堡接黃旗堡九日題餽九友俱

謂同直何申畚喬見

齋馬厚莽傳秋坪諸前輩周聽松徐

邊地難期

莫菊有好天卻喜雨風無前塵閩嶠收松子近

局官廚薦酪奴留作行園佳話紀歸時待寫塞

山圖

渡巨流河至老邊

曾笑金城陋防邊祇柳條秋蕪明遠卡急溜動
危橋古渡西風緊靈旗宿雨飄句驪來接覲爭

上太平謠

是日朝鮮使臣接駕

大臺

大河遼瀋曉光開路指陪京接大臺野店人
思浮白去山岡馬愛放青來秋聲應入邊笳肅
寒意何曾夜笛催知爲乘輿還舊沛陽和特
令斗杓回

噶布垓

山翠撲吟鞭河光照客羈新屯朝駐蹕上水
舊名泉夾道千條柳沿溪獨木船東南風景似

我正夢江天

蓮花背

天鏡升海東一豁夜雲晦上岡復下岡滿地樹
陰碎驅車向空明廿里了無礙落月邀晨光四
山潑寒黛平橋更三折已抵蓮花背

興京

草昧天開 聖茅茨儉德彰虎龍蟠地脈 日
月煥戎裝土闢神皋厚泉流 國祚長由來豐
鎬宅 創繼後先望

盛京

跌蕩天闔啟高城
瀋水陽十亭聞舊政
三殿觀前光澍雨
方隨駕神榆早被岡
慶成新典禮遠控及西疆

堪達漢

似此通犀角可裁
纖痕一束墨攢苔
男兒自具桑弧志
來向邊關訪鞞材

九月二十五日蒙 賜文綺謹紀

上廐曾叨 賞官庖屢 賜生 天恩隆東帛

士數合登瀛

滿漢同直十八人

細纈披雲縞團花狀月

明前塵慙釋褐荏冉十年情

松山早行寄雷竹泉比部

喚起懷人夢高岡犯曉行日從鴉背上雲逐馬
蹏生陡覺山寒逼爭開海霧晴郵詩勞見訊氣
味入幽并

桃花寺

亭榭列參差山腰望玉墀野橋僧送果官帳
吏鈔詩走馬郵書近棲鴉散直遲燕臺賞花約

可賸傲霜枝

竹泉招集尺五莊爲朱伯泉大令餞行

海棠花信過無復見繁枝白日喧蛙鼓荒田長
輦錐客心驚物換酒力敵風吹策馬秦關去多
應念習池

偕呂筠莊同年晚步玉泉山

五馬聽宣召相將訪玉泉御田新浸種官

塢曲藏船瀟茗松風裏談山峽雨邊異時蓬島

憶應拂沆花牋

筠莊箋
發蜀中

言勝言夕卷三
桐柏桃歌爲周芸臯觀察作

神木就範爲仙桃工奪造化心亦勞綏山一實
幾千紀此更不知年歲矣禹陵風雨參天陰人
間斤斧何由尋一朝吹折墮塵外重壓樵肩起
雲靄使君清聲到野人鮐耆持獻高堂春客有
陳生修月手幻出細枝大如斗異香作屑白日
焚百怪走避鑪氣氤氳隨身行笥楚吳越今更攜
之朝帝闕發械光采耀眼明非桐非柏桃是
名君欲銘之奏刀識除非岫嶺碑中字

芸臯屬
銘余集

岫嶠碑字云制爾
形登之庭南岳衡

沈飴原宮詹郊居圖

玉堂夜夢涼於水一朶卿雲白蒲裏

先生所居爲白蒲鎮

髫時弦讀答溪響溪上開簾暮山紫
九松稚竹皆手插今者森森綠陰美
尺縑繪出郊居圖君家富有菱芡租
草廬三間古風雨舊侶幾個閒
鷗鳬市梢東西跨雙釣向夕漁火星
模糊江流河流大海趨盛漲不入溪
縈紆先生詩思酒酣後釣竿欲拂紅
珊瑚僕亦家居在三泖昨歲蒔

絲秋一飽看到明波曬網天鱸魚豈爲東歸好

林少穆方伯尊甫暘谷先生飼鶴圖

先生鶴骨清且癯養真不受塵樊拘傳家萬卷
授書暇涼堂飼鶴爲歡娛蒼松寫影翳叟美紺
袖起舞胎仙俱嶽嶽方伯公執卷庭下趨當時
庭誥在詩禮培育鸞鳳翔天衢文章 禁省重
才子經濟屏翰瞻醇儒碧幢所莅皆愛日借恂
有願吾東吳嗷鴻撫字記昔歲民安飲啄忘饑
驅乃知養民如養鶴教本義方理不殊長公治

術肇明允世德何異眉山蘇先生駕鶴已仙去
海天華表歸來乎鼇峯一角雲模糊梅花相望
孤山孤

季仙九助教怡雲圖

比鄰有詩仙岫雲相往還示我怡雲圖詩意氤
氲閒吾翁去年來就養呼酒隔離詩共賞仙心
最愛脫凡骨風度真如玉山朗大春堂前今望
雲家書展讀常邀君我方寫圖手如意君也抱
膝吟相聞西山之游申後約同執松枝上高閣

吳門遠睇匹練飛吉祥光中萬蓮萼

煙雨招吟圖爲黃左田師作

道光庚寅閏夏 上以喜雨詩寄公有

縈懷江上思儒雅煙雨招吟逸興迢之
句謹繪是圖以志盛事

八十歸田鬢髮蒼招吟江上寄 天章在山霖

雨關民望注海 恩波與歲長蕪渚春迎雙槩

綠筍齋早夢萬竿涼公直南齋自署所居爲食筍齋尙書老健

添佳話先後詩壇接沈黃謂歸愚先生

梅花溪圖爲錢梅溪丈題

萬梅花一高士溪水泠泠清且泚花香沁入心
脾中發爲歌詩香在紙白石道人或前身天與
聰明煙水裏更無一筆趣非古自有千秋名不
死孤山花滿湖桐廬花九里吾吳鄧尉香雪海
花地花天家尺咫翁家莊前山可買但有梅花
卜居此伴人有鶴卒歲清泛宅如鷗合家喜萬
梅花一高士吾欲從之註詩史

題某堂京兆經注經齋詩集

纂詁有筆與詩左詩本天真無不可經人能爲
詩人詩注經齋中酒一鷗先生酒酣筆豪舉梅
花紙上開千枝佛家觸法色香味陽春著手皆
新詞壺中日月自浩蕩抑塞磊落夫何爲春風
幾度花世界真香獨抱東皇知子固有言絕依
傍評詩評人兩得之賓谷翁云此鄰數載數陪
空所依傍
從對管花前飲常縱擬諸坡谷庶乎近 本朝
詩人多學宋詩人詩風雅頌彝鼎留爲經世用
風月東湖作清供君近作東
湖草堂圖

賓谷先生與新安德州兩相國辛丑同年

庚寅會於京師成三老圖命題

三公二百十八歲五十年來廿二科華祝並隨
高嶽降台星原傍九霄多中朝人瑞扶元運一
代詩名養太和商嶺采芝同此會畫圖炤燿古
山河

由來相業並臯伊萬里疊臣朔節麾椽筆承將
三殿詔蘆笙譜到八番詞達尊中外靈光仰
碩學天人海宇知我奉南豐香一瓣會逢東閣

看梅時

夜直

散直傳籤後斜陽 禁樹深畫檐飛百衲苔石
下雙禽晝睡妨宵睡長吟易短吟拈毫聊破寂
所寄是鄉心

贈汪大竹比部

鶴立長身面削瓜白雲一朵是生涯詩追奇境
心如結人到中年鬢自華作史有清楚檣杪出
關無賴漢琵琶盛名不合登壇早三世由來忌

道家

辛卯秋闈分校紀事

宣綸分校拜 彤廷慶榜秋開桂子馨三益友

歌鳴鹿雅樞直農曹同事五同門數聚奎星在

德州相國門下者五人紗籠詩好追表白明嘉靖間王衷白先生刊詩聚

奎堂席帽才多待眼青七度春闈慙此地今宵

官漏隔簾聽

八月二十六日太夫人七十壽辰試院集

同人賦詩遙祝

雙輝官燭曉分光南祝慈雲谷水長行帳昨曾

依佛日前歲隨扈陪京是日途次朝陽鎖闥今坡集同直九人行帳置酒為壽

喜集仙裳 恩高珥筆慙三輔詩合登瀛寄北

堂同考十鵲噪鐙花盼諸弟江城秋賦正重陽八房今歲江南鄉

試展期九月

題英相國煦齋先生卜魁集後

讀到卜魁城一集前身坡老氣盤盤七千路等

珠厓遠十二聲傳黑水寒集中有龍沙秋日十二聲詩帝

眷羈臣教子和詩開絕域覺天寬龍沙雪色關

門月歸載 恩光滿錦鞍

大春草堂雜詩

大春堂裏掛詩瓢
嬾到無詩便寂寥
忽地詩來
奇句滿一簾
香篆湧如潮

蠟枝大葉墨攢苔
塗抹隨心豈畫才
粉本大都
嬌女替繡餘也學寫生來
停杯待客月來初
亦設花豬雜菜蔬
近仿荊州
製三雅不澆塊壘祇澆書

瓦盆小置石岐嶒
香在紅闌偶一憑
最近草橋

遠潭柘叩門時揖送花僧

陸祁孫大令宣南話舊第二圖

京洛重來鬢髮蒼幾人槃敦更開堂西江絕筆

成乾蜨

賓谷先生歸道山其在病中手書乾胡蝶詩見示遂成詩識

萬里之

官爲海棠

蘭雪刺史黔西此花爲獨香耳

濁酒

同傾仙竚綠古槐猶罩佛門黃

都下近年士夫高會每在城西

龍樹院

放翁眼底無餘子團扇迎風夏木香

笠畔比部遺雁足鐙

亭亭雁足夜光承規製江南巧匠能一器流傳

蒲褐老當年分韻詠官鐙

雁足鐙舊藏王述菴先生蒲褐山房君於

嘉慶二十四年

觀察江蘇仿製

攜得大光明一盞老僧袖札出袈裟

鐙從大樹菴長老送

至圓廬晚歸然燭涼堂裏先照簾前簷荷花

偕喬見齋侍讀馬厚菴比部萬荔門農部

鄭瑩圃舍人游遺光寺寺後有亭可以眺

遠

入門不謁佛先上最高亭亂石自成磴危牆儼
列屏三山飛壯采百雉接遙青拂袖涼風動微

聞草木聲

遠野安營卡礪樓碧漢間赭痕層嶂斷雲影大
旗間 弧矢傳韜略車書達塞關卽今 勤肄
武健旅屬香山

一水昆明望樓臺畫本張湖心浮嶼小木末跨
橋長隄固金牛瞰波明白鳥翔 御田秋穫早
萬郅兆豐穰

伊蒲僧置饌留醉古藤蘿客興登高補歸程返
照多碧泉窺石丈紅葉染霜娥風景清時麗常

隨 禁仗過

辛卯臘八日 恩簡山東督糧道恭紀

八載樞廷近 寵光舳艫轉漕出東方簪毫適

荷 丹毫煥

是日祥河在直廬恭繕空名諭旨

向 日真依佛

日長念祖曾叨

天庾職

伯曾祖佳木公康熙朝曾總督倉場

除

官夙忝戶曹郎

戶部雲南司專司各省漕糧祥河由主事歷正郎皆兼司行走

平生文字慚無補倍凜 恩言治術良

謝曹新安相國惠題使閩紀程及瀋陽紀

程詩

何幸投詩展笑顏和箋天半彩雲還書生游蹟
慚同證元老吟懷得自閒度量春宏知似海文
章誼重本如山玉虹百尺勞垂勉進步樓高筆
力孱

文衡海內仰奎躔榕嶠曾聞使命宣

公於戊午歲先拜視

學閩中之

紀夢三峯今柱石

公屢夢至

種花

南部舊風煙

未迎簞節都人憾卻讓盤陀韻事

傳

石君太傅構一百三十三士亭於學署

我向武夷君握手山中

猶問相公年

叨隨秋扈預簪毫

昨秋隨公扈駕盛京

遶瀋東來慶此

遭豐水冠裳襄望散沛中父老識蕭曹山蟠龍
脈天門壯樓起鰲身海日高指點昔年戎馬地
太平民物仗鈞陶

朝朝天誥手親承退直還如入定僧大集自

編詩萬首稀齡同譜壽三朋

南石賓谷兩先生與公辛丑同年曾

繪三老圖梅花香繞金甌麗墨寶光隨玉軸凝豈止

傳家誇世守龍門聲價一時增

次新店卻寄樞直及詩社諸君

者番爆竹送吟鞭除歲人家景物妍飲餞新詩
梅隔夜載途晴雪麥豐年官因轉漕三春速
恩許迎親一水便僂指東風開凍早衛河船接
潞河船

夏伯恬茂才途次得句石擁雪爲裘余以
樹依雲作蓋爲對遂足成四十字伯恬畫
竹擅長末句竝及之

樹依雲作蓋石擁雪爲裘奇句詩天闊停尊客
舍留趣因真乃適契以澹彌投千畝渭川竹多

君筆下收

十四日次齊河

今朝四十八生朝驛路齊河雪半消
餽粥邨聲喧樂歲鵲華山色送行輶
沙邊鳥度初迎霽冰下泉流欲長潮
畫省香鑪重回首傳柑時節聽鈞韶

祥河在樞曹陪直
同樂園八次

登南城樓

海岱浮雲氣東南走驛塵千櫓銜燕尾
萬屋比魚鱗一自登樓望頻看作宦身
黃華原隰滿安

穩迓雙輪

五月朔大明湖宴集喜雨呈訥近堂中丞
劉眉生方伯蘇鼇石廉訪王霞九太守十

二韻

十頃湖波闊探源潌水東古亭傳歷下芳序屈

天中客近招閒鷺

山長沈公

山遙納短篷菰蒲將作

雨臺榭盡當風雉堞參差見魚磯曲折通開軒
新屈戌疊石小璫瓏入畫江南勝稱詩海石雄
苔文侵碣黯藻句鑿楹工人送隨車喜丹真利

涉同分曹來卜畫一讌亦從公呼不煩黃帽酣
還遲碧筍鳥聲穿葦綠蜺影逗林紅返櫂城南
路雙歧麥正豐

壽近堂中丞五十時奉 命祈雨東岱

東來霖雨慰蒼生感召和甘出 至誠崧嶽允
符神誕降 詔書恭代 帝親行霞扃萬笏瞻
儀肅雲海羣真挂杖迎試挹山泉添壽斚更逾
七十二泉清

秋闈奉檄提調紀詩二首

看渡長河萬斛舟

委催南漕甫竣

又來歷下聽鳴騶一

堂六聚覽裳譜

謂主試郭蘭石大理監試陳仲雲觀察內升簾馮集軒楊旭嶠

內收掌朴王農三

明五載三逢鎖院秋

余於戊子典試

府與余爲丁卯同譜

福建辛卯奪錦奇文橫海麗送場甘雨

作人

休初八日

眼前千佛山千疊誰注名經最上頭

魏溯前塵廿五年陳蕃對榻倍欣然

謂仲雲

食單

笑啖中秋餅詩冊添題大比泉

大比泉在提調署門

恤士

多方承大府

監臨中丞訥公

掛名有額仰前賢

至公堂有提調

監試

關心下筆春蠶響聊漬燕支寫短篇

闌中紫筆

用燕
支水

偕仲雲登明遠樓

好山到此現全身縱目高樓未厭頻
莫佩漸催重九節鵲袍剛送七千人
五更鼓角名心舊萬屋風煙畫景新
最憶前宵鐙夾道繁星滿地湧珠輪

雲陰漠漠樹蒼蒼積雨連朝霽色望北注
河流愁蟄堰東來農畝正棲糧龍門恰
瞰文瀾壯鳥道新看健翮翔遺興登高兼
眺遠海天摘句各

言月言夕卷三
一
投囊

督工桑園第九屯漫口歸途有作

歸騎桑園白未斜小屯臨水幾人家風帆遠白
疑飛鷺霜樹疏紅學斷霞廿丈堤工籌竹木一
秋歲事問禾麻更慚無筆能驅鱷欲恃焚香息
眾譁當漫口時土人見有七龍遂復蟄陷

壬辰閏秋督漕閘內所過水次各系一詩

魏家灣

立冬節屆開新漕水次年年一往還纔見明波

排畫鵲疏林黃過魏家灣

梁家淺校隄

魏灣廿里梁家淺路轉校隄漸漸遙恰喜門生
來問字征袍舊影記虹橋

堂邑令郭生星波係
余戊子閩中所得士

東昌

東昌城北水漫漫幾折長隄一綫單揀箇楓林
成小憩舍車人盡跨征鞍

七級

三間五舍作官房臥具分攜打麥牀桑落田家

都釀酒夜窗透過壓糟香

阿城

阿城舊址接東阿
開口流分上下河
一路晴光消積涼
紫煙斷續暮山多

張秋

一次徵糧七縣連
飛芻千百渡頭船
吟裝不礙牛腰重
先辦猩紅坐客氈

安山

安山山色繞東平
細路萊蕪阻客行
欲向黃華

尋舊夢劇嫌津鼓擾殘更

黃華山在泰山後

涉上

新霽初開帶晚霞
舳艫高下彩旗斜
南城樓在南池上
先拜青蓮後浣花

喜竹初二弟來署

第一橋頭記品泉
綵衣同舞小春天
大江掛席成千里
官閣看雲倏五年
山色湖光頻枕上
書聲鐙影又尊前
塵勞卻喜都青鬢
纔送臨關守凍船

鄉飲酒

墜典舉及時鄉飲禮最古一鄉重達尊述德懷

吾祖

先高祖康熙朝舉鄉飲大賓

竭來近聖居司禮在守土

賓筵肅俱介簟屬綜文武校官讀律令倫常

揭訓詰豈惟儀可觀聽講環如堵三揖酬大賓

今朝我忝主揚觶合有言少長期無侮此邦士

習端素風美齊魯所貴進禮讓斯舉實鼓舞維

時歲癸巳正月十有五

雁塔續刻題名

有序

德州雁塔明洪武三十年建萬歷四十年濟南同知孫森納二石塔中具甲乙科姓氏我朝康熙三十一年州人田侍郎雲重修葺補石二別書石記事蓋甲科止康熙乙丑乙科止康熙庚午嗣州人又於原石續刊進士題名至雍正癸丑科舉人至康熙庚子科又補石二續刊舉人至乾隆丙辰科迄今年久失修塔漸頽圯余忝司糧儲出俸錢鳩工新

之古慈恩題名止列甲科今爲一州紀
盛宜仍前賢推廣義因續攷進士姓氏
自乾隆壬戌至道光丙戌科凡十三人
舉人自乾隆戊午至道光壬辰科凡五
十四人爲手書泐於石云

繁露開屏桂馥迎

繁露書院肄業生近歲脫科有歸咎於門向不利者壬辰

科余爲改置屏門中雋者三人

重登雁塔數題名

三朝姓氏

添耆舊上第恩榮竚俊英

進士預魁閣星符簪恩榮宴

筆象

近復捐廉倡修魁星閣

女牆風送揭碑聲古歡最憶

山薑叟苔蘚摩挲共此情

田山薑先生雁塔
記載古歡堂集中

唐宮屯

衛河亘南北水驛連航通
老天解人意浹日吹橫風
去船飽掛帆來者亦曳篷
岸移疾走馬櫓響停飛鴻
朝聞刺船語隔斷烟空濛
流河廿里近路轉圓如弓
高柳露邨角不見山桃紅

轉漕入詠屬白樓繪圖

沛上催兌

催兌年年大雪前
天家自有送租船
燒香分

水龍王廟來汶樓高月正圓

臨牖開行

朝聽流澌牖響通臨關守凍及春融
玻瓈一拭封姨手十萬蒲帆落鏡中

浮橋盤驗

抱牘人來鴈鶩聯千艘齊泊板橋前
慙余略解盤糧法農部持籌近六年

柘園出境

閑閑桑柘隔烟塍風勁連檣曉日凝
纔見廣川

新柳色七星臺過卽安陵

天津度關

開頭捩舵水彎環取次封章報度關直北津沽
尋禹蹟九河故道在人間

楊邨掛剝

燕尾差差列小舟常年官剝出官修桃花口遲
桃花漲未到楊邨已唱籌

大通抵壩

避淺舟行識柳條遙傳祭壩是來朝 天倉首

進東瀛米不獨魚鹽海國饒

北河回空

大隄四月暗垂楊五月榴花水驛長
歸及臨關南漕過分明北櫂接南檣

李竹醉年丈餽青果黃甘賦謝

點茶佳士味佐酒洞庭春次律開軒好
平陽拜爵新堆盤兼二美貯籠可經旬
前度西施詠猶懷越網珍

去歲過津承以西施舌見餉

謝陳梅亭廉訪惠女兒酒

何年擊輓設來近語兒鄉醉後知歡伯花前合
索郎香山銀鑿落吳婢玉浮梁媿少如仙句清
聲頌建康

雜言三首

南人誇諫果回味真可口東人誇棗勝聽耆笑
欲走云汝回味時我甜亦已久此理取目前聽
耆莫否否苦澀耐本難那知甘在後若果安期
大似瓜吾將奪之仙客手

舟人烹小鮮飯香出柁後我方晝寢興亟思一

言身詩夕卷三
佐酒乞爾所烹魚麤鹹更適口我儕蟹梁肉得
福不知厚若輩曰黃虀此鮮亦云偶飢者易爲
食安必旨且有鱸魚真膾材鄉思重搔首

高田苦旱乾所望三日霖大風輒阻之狂沙吹
黑陰前宵捲怒濤掀簸瀕荒潯添纜戒舟子達
旦坐擁衾自我浙東游壓舟聞龍吟以後畏水
程戰戰如臨深凡事本閱歷一步一警心

觀田山薑詩

古歡真不墜華髮晚蕭蕭詩肯區唐宋文思駕

六朝才名騰海右志籍到黔苗寒綠堂何在憑
誰載酒邀

鼎鼎長河考縈情在梓桑舊城尋厭次新志佚
東方汶衛波旋合蓀蒨草並芳當官求水利正
可助宣防

山薑集中有通惠河秋泛同北山阮亭諸
公唱和詩漫題其後

同舟仙侶泛秋宜折簡修門快馬馳前輩肯爲
官束縛北方難得水漣漪紅茱黃菊重陽供白

舫青簾後日思最愛金風亭上客銀光牋寫九
言詩

小屯初見杏花

拋餘書卷眼麻茶邪許聲中涉淺沙一折荒隄
小籬落殘春見此過時花

喜雨

乍見冥濛溼大隄旋聽密陣響前溪嗽鴻十萬
心先定歸趁荒莊雨一犁

濃陰釀得十分涼雨止風來水亦香一角殘陽

漏雲罅新揩鏡面照宮黃

攜八弟所作八珍香水次焚之用辟寒霜
都梁蘇合博山春作意和香殊可人若使仲謀
來乞取除非虞院馬通薪

穆鶴舫尙書寄示袁浦武昌途次倡酬之
什題後

星辰聽履乍還朝傳得吟牋白九霄詩到情多
皆本色春隨客久已花朝長河浩浩桃源合芳
草離離鄂渚遙頗羨汪倫潭水句輕裝數月伴

行輶

謂同直注
竺君比部

東園垂雲書屋後昨年補種花木其左偏

爲射圃葺屋三楹加以抱廈題曰序雁軒

積水池荒老龍走岡後岡前半榿柳斯園舊署

澄碧園繁露堂高百年久使君點綴十二景傳

自吾鄉劍亭叟

曹劍亭先生

後來風雅陽湖孫

淵如先生

開館平津聚詩友垂雲一石僅題字壑舟笠瓢

已無有迄茲更閱廿餘稔古屋多煩埽塵帚我

來補樹插籬竹略翦荆榛寬數畝面城雁塔昨

歲新

新葺雁塔

塔影招晴入窗牖雨餘看月得奇夜

閣閣蛙聲出亭後當官豈少休沐時前輩高懷
重回首平臺架拱圍曲闌序雁名軒義有取詰
朝校射各強飯誰是彎弓好身手

南支河挑濬工竣奉檄驗收

出城蛙鼓繞迴塘曉月西沈露氣涼東海通渠
勞萬鋪南支減溜利千檣建瓴遠接雄關勢飛
騎來升古廟香後夜田家高枕臥好聽琴筑響
牀牀

郭孝子

大孝終身慕我聞爲黯然一心知有母何恃欲
呼天苦塊餘生殉麻衣血淚濺禮經論滅性不
以律名賢

卅載依親膝真堪末俗型有兄營窀穸無語及
伶仃章水朝驅鱷元潭夜禱星至今傳逸事含
笑在幽冥

題孔治山上公鐵山園詩集

曩游出東郡泰岱凡三登聖人居近闕修謁

緬想林廟神爲凝側聞詩禮紹庭誥上公丰采

眞天人吾家涇南

先伯祖文敏公

託姍亞玉虹八法眞

琳珉谷園中翰妙波磔當時冰玉多傳薪百年
書名重海內今見詩律相清新鐵山一集方卒
讀性情刻露全其眞風人之旨具溫厚周召尹
仲公前身昔公述職預宣召賡颺天藻摛
如春苑鶯宮柳盡含笑歸裝錫賚光行輪名
園佳日暢觴詠醉舞不戒初筵寶公也揮毫氣
豪邁才可計石無等倫高歌一少萬花發絲竹

在壁宮商陳闥門善詩采苻藻膝下譽起獨角

麟馮君

集軒明府年丈

爲我道風雅何日容我披車茵

今年督漕向沛上不百里訪洙泗濱一觀法物
盛彝器再叩箸述羅家珍好山齊魯青未了不
負匹練雲嶙峋

答錢伯瑜觀察

京朝晨夕不知樂外簡兩地長相思握手莫罄
萬千語先出袖裏秋懷詩破空奇句極飄忽譽
我朱顏君白髮君髮豈全白我顏豈尙朱同歲

四十九閱歷無懸殊
場屋焚香話潦倒
師門對管真
須與烏衣王謝悵
野草狂醉不見高陽徒
方知人生任守拙
元氣要在厚力扶
使君篤學我畏友
道味醺醺似醇酒
口中芒角戒弗生
胸次槎枒復何有
燭花一夕雙照杯
塵海頓覺煩襟開
船頭打鼓催早發
後約畫鷁秋重來
秋重來作重九
我有東園香半畝
滿插黃花爲君壽

阿城水次題貧西漕帥風雨歸舟圖

烟景江湖到眼來
樓船背指畫旗開
收帆儘寓

抽身意作楫終需輔世才漁舍好秋浮一葉客
星中夜應三台尊前多少懷人句鐵笛聲高底
用催

圖書雞犬意常閒落落天真世態刪蓬底新攜
陶令菊畫中愛看米家山披襟荷芰思初服濯
筆滄浪肖霽顏我幸刺船東海上移情何啻抱
琴還

口占示白樓

兩人岑對亦悠哉晴旭篷窗面面開破筆作詩

新筆寫大觥行酒小觥陪年豐野老都黃襖飯
美船娘入綠臺各道吳中好風景惜無漁笛過
江來

徐秋池爲余作小象二一宮袍一戎服

宮袍待漏憶前塵更現兜鍪七尺身持節多艱
叨解廌策勳何敢望麒麟家家圖畫應無此我
我周旋自有真移向碧紗籠一笑五旬毛髮似
三旬

客有謂余貌
似三十許者

阿城海會寺

阿城舊城廢十頃闢祇園空院松身直長廊鳥
跡繁堊花開後落午市靜中喧問到楞嚴旨應
僧笑不言

甲午正月十四日爲余五十生辰偶成二
首

繡衣三載凜官箴五十知非媿更深地近尙懸
迎養望 天高惟切量移心豐年轉漕春帆速
佳節傳柑皓月臨生較香山前六日可無一歲
一詩吟

橫雲山畔舊烟霞欲捧天瓶汲井華但作詩無
唐與宋不名錢愛酒兼花明湖縱櫂方攜客遠
塔然鐙更憶家太夫人書來以是夕然西
林寺塔鐙爲祥河祈福屏帳
一時松菊滿官齋忙煞玉鴉叉

泊舟登岸校射

晚入南皮境移舟有客從斜陽明小鷁古樹掛
殘鐘鳥與人聲寂春隨野色濃不知歸路杳歸
及月溶溶

昨勸沿河居民種柳茲屆穀雨詩以促之

並寄牧尹諸君

臨關至柘園水程四百里沿河少林木但見陌
塵起盛漲當伏秋單隄薄於紙官民來搶護稍
遲輒過水維時購料難停工束手俟我曾兩督
工掛柳水之埃圈隄如偃月斷溜接沙鷺爾民
多田廬捍災應有恃種柳固隄根緯道讓尺咫
三年枝葉繁涼陰綠雲委一樹況百穫取材尤
倍蓰不憚再三告今歲清明始一律植柳株隙
地毋敝屣昨者督漕行輕舟衛河艤竝告賢牧

尹均勿具文視洎茲穀雨春栽插宜徧矣緬哉
竹箭儲展也蒲盧比他時手攀條豈特我心喜

將至通州寄某堂侍郎賸以二犀竿

休沐尋秋潞水濱風流朱十合前身青簾白舫
吟猶昔畫角牙旗景特新兩載公真豐歲玉千
艘我亦送租人等閒攜得雙犀竿可稱陶家漉
酒巾

立夏日某翁齋中陪鐵仁山侍郎賞黃薔
薇卽和元韻

大官正色能率下咄哉官瘦花何肥綠團書屋
生眾綠瞥見一架黃薔薇重臺綴葉勝綬帶蠟
瓣簇蕊羞白緋宛枝欲就苔徑臥斷樹巧當紅
闌圍海棠一詩三疊韻堂堂春去羣鶯飛公餘
迎夏瑟玉瓚對此復適胸中機游蜂舞蜚詎思
逞扶條立幹誰云非近郊雨後夕陽漏騷經載
采芳菲菲

厯下亭看雨

前度冰開鏡今來雨打篷天光籠霧縠人語隔

烟叢淺水方排藕遙山欲跨虹崇朝膏澤徧心
折岱雲東

疏櫺引

疏櫺雲母窺朦朧青天撥翳風烟通眼前分無
泉與石盆池鑑影秋橫空新荷擎波卷象鼻綠
葉扶上闌干紅凭闌小憩豁煩暑蘭花梔子窗
西東幽香觸法不成醉卻想高客傾碧筩西湖
一夢清簾側三泖常落冰壺中

陸疎莊司馬與湯漁邨總戎游天台出詩

一卷索題

閩嶠歸仙吏天台賦壯游胡麻偕飽飯牡礪難名
出橫舟絕壁攀雲路危橋俯澗流平生辦藤杖
未就兩君謀

萬壑風烟靜全收一卷中連峯儼巾幘飛瀑想
簾櫳鶴羽何年白桃花幾度紅更誰凌健筆吾
欲問興公

題唐鏡海同年五原學舍圖

從來聲教起膠庠化俗文翁意思長百粵星躔

臨翼軫五原民氣戢文章衣冠儼有生徒象千
櫓真成禮義鄉君是賀州唐李邵甌山齊作彩
雲望

奉檄督辦台子坡漫工剋日合龍

三年三奉檄防水爲災區鴻澤嗽音起鼉梁健
力扶菱芻輸四境畚鍤集千夫風雨猶驚寤危
城一角孤

及此籌宣洩先行遏上流龍門波浪靖海國雨
雲收藏事資羣力操勞駐八騶

中丞駐節臨清

波弱尙爲舳艫愁

詩舲詩外卷三終

外孫翁麟孫重校

詩船詩外卷四

華亭 張祥河 元卿

甲午秋奉檄提調山左文闈紀事二首

飛蓋龍門霽旭開三年試事兩叨陪

余於壬辰恩科曾

充提調

簪花宴待紅旌返

中丞雲亭鍾公甫從倚臨清旋節入闈監臨倚

桂人從碧海來

監試吳仲雲觀察自登州至省

回首蟾宮皆舊

夢關心魚鑰爲真才

中丞與方伯劉眉生丈酌定杜弊數條

門前

泉味清如昨相約煎茶韻語裁

提調署門有大比泉

棘卿宮相兩嫖修

謂主試朱致堂大理麟梅谷庶子

泰岱英華

藥籠收六十年逢綸閣壽

沛上孫寄圃相國重赴鹿鳴

八千

人對佛山秋臨湖藻鑑光逾朗

試院面千佛山在明湖之西南

表海文風筆自遒銀燭短檐三五夜起看星斗

一登樓

吳退菴先生有杭郡詩輯文孫仲雲觀察
踵而增訂之

西泠詩法亦多門香祖遺編授竹孫閱世丹黃

能卒業過時花月與招魂六家選政登樓抗

浙西

有六家詩選

十子風裁把盞論碎佩叢鈴滿煙海采

珠心事自朝昏

湖天涼月白紛紛憶到師門述舊聞

吳穀人祭酒師八

社高吟留斷嶂六橋墜夢接行雲品琴海內容
分派傳硯山中好策勳千四百家鎔一氣相期
拔戟自成軍

仲雲惠題近稿次韻奉答

京洛傾襟首重回鎖闥相對筆花開論詩仙佛
無窮境得氣乾坤有數才絕調秋高新竹裂奇
情海闊怒潮來多慙蚓竅難爲和燒燭更闌尙

言舟言少名
二
引杯

侯竹泉明府袁治菴少尹招集徐園飯松亭

飯松亭外晚霞明
金綫泉邊木杓橫
三徑渾疑陶栗里
小園何減庾蘭成
萍開鏡裏知魚樂
客到花前有鶴迎
最好酒闌涼月上
隔谿吹過步虛聲

季仙九學使招集四照樓

春山秋水句曾諳
常聽涪翁述濟南

四照樓楹帖
忘言秋

水砌揮塵滿眼春山欲上樓黃左田師篆水橋
任學使時集句曩在園廬屢述其勝
頭還照字捫碑樓角尙分龕湖天我最尋詩熟
幕府君真說士廿六載比隣呼酒憶黃花秋滿
舊朝蓼

喜恒卿弟報捷南闈

閱到題名喜欲顛多情開府尺書傳林少穆中丞馳寄題

名壘旒譜入霓裳奏十二科經廿七年余領丁卯鄉薦

至是已
十二科

辛年辜負北闈秋辛卯弟來都應京兆試以余充同考官迴避僕僕

西南戒遠游弟嘗幕游關閩得第堪爲諸弟勸讀書而
外更何求

病後戲拈

中醫藥裏更無庸柳汁能舒結轡胸不礙蒼皮
經雨脫此身或是後彫松病疹不服藥但以檉柳熬湯洗之愈後手足褪皮如掃落葉

仇實父織錦迴文圖

人巧天工亦多事含情媿對流沙使不知五綵
結同心中有旋圖八百字秦州刺史徒殊方夜

防水漏千帆併力追前旌我船出閘領水行鏡
裏飛鳧屢迴顧玉絲三尺銀濤聲君不見南漕
旋南時不早東漕北行水剛好汶上分流管送
迎利濟何人白老老

莫笑銀杯小同坡老韻醉筆也

銀杯雖小君莫笑世人皆醉我醉還如醒忽然
詩來掃筆可萬首夜深熱粥調吳杭伊誰欺人
醉一石一斗十千聊飲客此杯略比東海小不
礙吾儕酒腸窄鄰家壓糟將築邱詩狂動輕萬

戶侯那知黃封醉鄉早拜爵酒旗歷歷碧漢銀
槎浮

裴舟餉熏魚

病餘戒老齋有酒意自足發風動氣山谷語常
饌不設花豬肉何來快馬餉食盒數尾熏魚暈
紅玉佩刀細切嫌鐵腥染指先嘗真不俗青鹽
嘉果早拜賜君意無乃驢所欲鱸鮮炙薄佐蘭
英七發頓蘇病枚叔朝寒裁詩覓魚枕夜靜裁
書寶魚腹鳧燕甜肥入夢多五更一呷防風粥

阿城

彌望野煙重阿城露數峯蝶衣飄碧葉牛鐸應
黃鐘舟跨水頭速詩隨茶尾濃計程飛雪裏伐
鼓祀金龍

阿井

伏流地脈相迴縈葭琯得氣初陽生井中潭潭
湛寒綠井睂長至千瓶翼擲以金錢水頂託萬
人汲取無縮盈縣官調水供上府排日鑪火紅
霞明投膠友誼或分餽年年貢品東阿名

寄題松風草堂

髫年來坐松風中招邀詩社隨吾翁玉盤拈韻

得珠字歸吟喜擘濤牋

紅曩陪吳穀人陳古華兩先生飲斯堂分韻

賦當時末席呼小友今日新居闢半畝八詠猶

傳瘦勁書

堂額係沈文恪公書

千枝尙護玲瓏牖人中仙

結木仙因三十二年光景新耆會好聯揮麈話

宦游時顧望雲身天風吹去郵筒遠遂養烏私

定如願綠酒同斟夜夜春蒼顏常祝年年健相

葉煦齋先生書
遂養堂額見寄

曩觀黃小松司馬寫丁辛老屋詩意愛不
能釋茲又觀所畫山左二十四景眞平生
得意作也

我曾登泰山而未謁關里我曾權明湖而未覩
海市四年按部訪名勝足跡所經數郡耳東河
司馬好古流筆下具有湖山秋捫碑剔蘚嗜皆
癖拄杖穿蘿老不休當年手撫廿四景一一標
題筆馳騁故人綴句翁覃趙味蘭辛何士詩畫畫詩
中合并格高韻澹梅華姿先生之畫嘗見之丁

辛老屋僅野趣平生得意應在斯層城青鳥輒
返璧耐我五日十日長相思

龔玉亭明府以秋柳詩見示漫題二首

麗句清詞妙擅場略將詩格變漁洋玉關重倚

良宵月金縷還飄舊日香秦隴蕭條仍戍客渭

城惆悵到秋娘原詩有惆悵秋娘太瘦生河干

明歲清明節可許新陰覆野塘余曾勸論沿河居民種柳

梭隄走馬自年年披拂牙旗水驛前極望千帆

千點鴈相思一樹一行蟬紅葉落盡明湖曲黃

葉飛從舊縣偏

昨過安山在舊縣西偏

莫唱東來新樂府

秋風秋雨雜鷗絃

羅兩峯撫沈石田竹堂寺與李秋官楊黃門觀梅圖沈作於成化己亥羅作於乾隆己亥卽用石田韻題後

千枝萬枝出琪樹竹堂寺裏觀梅處酒酣伸紙白石翁杯底春光筆端駐兩峯撫本得彷彿疑是前身此中住後先己亥三百年澹墨還書舊吟句佛言喜門海樣深畫諦禪宗參透未秋官

黃門已物化曷弗招來圖鬼趣寒鴉古木極櫺
慘蘚徑苔垣成刻露不愁此紙捲春去殘雪滿
天香滿地

和子樞盧氏見寄元韻二首

萬山熊耳足奇觀走馬郵詩慰歲寒新政直通
桃塞牧舊聲不改苜盤餐傳家民社箴同凜遼
養江河志未安以君官中州余官山左皆嘗到樂
陵無核棗同心人恨不同官先是君選樂陵令以余統轄漕務循

例迴
避

靜趣禽魚儘可觀良方薑桂不知寒起先童僕
常聽漏坐少賓朋卽減餐夜雨牀頭雙管對
初弟朝曦樹鏤一窗安寄聲學術因時展海內親
民是縣官

昨歲余與牛鏡堂各五十合作百歲撒棘
後偕吳仲雲觴於程玉樵園亭極談讌之
樂鏡堂屬以詩記之久而未成茲鏡堂由
京兆擢陝藩補寄長句以寓期勉

同官復同庚合作一百歲歷亭續舊歡與我最

心契維時甲午秋放榜天晴霽名園饒水石開
筵就盆桂爲我兩人壽程吳喜聯袂良宵燒畫
燭觀劇輒破例君曰此高會允宜一詩系詰朝
各摻手郵箋愧遲遞君也尙氣節榮辱所勿計
常抱退歸志不欲塵海滯今方轉京兆旋又備
藩衛 朝廷資重臣士類仰經世我昨夢見君
岸幘快談藝傾心在韓歐餘子皆睥睨可知君
事業於時期有濟素交不以面金石久豈敝西
望停雲停華嶽渺天際

藍田叔蜨莊看梅卷子

昨年涕上得三札

田叔三札舊藏黃小松家余於涕上得之

今至河

西見一縑蜨叟風神傳減筆梅華氣味入重簾

美人曉起新妝嬾翠羽春來冷語尖浙派齊名

藍與宋何須論畫十分嚴

宋石門與田叔齊名有以浙派詆之亦非

篤論

三月廿又一日招邵栗園司馬夏伍喬集

登瀛館有懷陳蓮史同年

十日蓬窗坐來登畫閣高收將天末景招得酒

中豪潤綠添新麥晴紅露小桃開襟一瀟灑不
省客塵勞

危檻逼城根清溪曲繞邨魚兒新網影燕子舊
巢痕校藝人投社囊詩客到門有懷章水遠話
雨此開尊

蓮史赴江
西臬使任

餞春

華堂餞春春欲歸落花留取熏僮衣小筵坐花
諸姊妹招搖鉤朵羣鶯飛明年私向阿母祝牡
丹須比環兒肥

迎夏

蘭閨迎夏晝漸長
檢儂紈扇銀絲囊
入厨新筍似儂手
朱櫻吹得朱脣香
鄰家要描好花樣
雙荷花蓋雙鴛鴦

余旣爲蕉雲題綠天
吟館楹帖云四壁秋
聲催酒熟一簾春水
潑衣涼瀕行復屬余
畫因將前句足成二詩

綠天風月費平章
題字前番向畫廊
四壁秋聲催酒熟
一簾春水潑衣涼
別來夢裏常攜履
寫

到酣時更引觴七十二沽舟過處澹烟邨市盡
垂楊

無多結構好文章密密蕉陰曲曲廊官舍塵樊
能脫略詩人心地要清涼小眠不藉龍鬚簾新
樣宜添象鼻觴還勸西頭營射圃學書得暇學
穿楊

翦子屯

一里一曲直暢行不數武無論東西南北風風
利揚帆又何補居民誠恐礙犁絳種樹遙遙隔

前塢漕行六月米氣蒸赤繖擎天日當午誰知
北來蓄水難古人用心亦良苦

朝過白洋橋午及剪子屯今日好風色隄岸不
起塵大船鳴金小船和百丈邪許爭前津滄波
溶溶天上坐濃樹參差兩隄鎖前隄倒退後隄
進知傍圓沙又轉柁

將至東光就陸遇大風稍憩

又聽空中吼輕舟未許移土囊千里激風馬百
神馳鐵象蹲前驛金鴉噪古祠三更人就陸乘

炬亦何辭

由連鎮達桑園

入懷明月好吹面緒風和曉色天垂野吳橋匹
馬過人思舊桑亭水下老黃河隄堰千秋在陳
公惠澤多

重葺平津館落成

歸帆初夏及朱櫻市月涼堂看落成檉柳濃陰
都入牖蒲桃新蔓欲分棚無多亭榭游塵隔隨
分琴書宴坐清有客東園來下榻聽餘鼓角聽

詩聲

題襟前事盛平津石墨鏘詩踵後塵邨鼓關心

瀛岱雨

時方禱雨

使車留話禁垣春

文秋潭相國出使涕上道經隔

津論交四海慙文舉抗志中區慕景純尤喜過

從舊桃李臨風卻少向隅人

戊子門下士今科中雋二人大挑一

等八人二等二十人

登太白樓和文秋潭相國元韻

長庚星指酒旗邊詩裏天真得酒全溪上誰尋
脩竹社樓中如遇錦袍仙漕河南下危闕瞰節

相東來健筆傳顧我欲吟頻斂手英風擊劍尙
鏗然

南池市月坐官齋到此登臨一放懷浣筆曾教

泉作鏡

任賊有浣筆泉

舉觴安得酒如淮青山何地理

仙骨落月無情夢古槐誰識縱橫詩句在暮年
黃老是生涯

得周芸臯觀察廈門書卻寄

五年拙宦頗相似遠道書皆慰藉詞達士不愁
兒女累好官常要吏民思澆胸聞尙勝蕉葉脫

齒多因啖荔支我亦繁星添兩鬢觀河豈是少年時

七級聞道中

犯曉寒風噎迎陽暖氣開白沙盤馬地紅土賽神臺遠繹人重疊橫帆水折迴不知邨里數我轉問輿儻

追悼陳午橋通參卽題其遺墨後

銀臺八載鬢成絲楷法流傳瘦勁姿好惡平生隨口出親朋幾箇結心知吏稱清節臨刑悔

指銀

庫一案

天惜嘉言柄用遲有子能書文采斐東牀

我亦愛如兒

謂第三郎嘉軒壻

蔗境詩敬同大人韻

小園闌門伯祖東亭太史舊題蔗境二字
今秋八月大人葺而新之姚子壽摘
余近句老境垂垂啖蔗知足成長律爲
贈大人寄和作命同前韻兼報子壽

老境垂垂啖蔗知洞天題墨耐人思園居小擬
蘭成賦祿養多慙束皙詩半畝松風新結構一

灣蘿月舊棲遲福門等是含飴慶不礙橋南過

筍枝

時諭以福緣姪爲詞

余嘗病疹畏風遇東昌郭醫投藥一服而愈頃刺船阿城過訪年已七十六矣

濟人海畔種紅桑爛煮仙家白石羊益氣曾祛前歲疾折肱要算此閒良健行腰腳真堪羨高論鬚髯尙自張我亦微參五禽戲不須重乞紫瓊霜

與白樓潑墨各成三幀並系以詩

濃姿貴彩墨能傳
妃子憑闌態欲仙
不用人閒

舊箏笛固應斂手李龜年

牡丹

含星撐月挺生才
赤琥青牛證後來
可惜年年

過汶水不曾訪道入徂徠

松

搖風柄柄水差差
何處朱華冒綠池
樂府憐儂

心太苦添將香草助相思

荷

風露仙壇綠浸衣
衛公清夢記依稀
將身騎上

羅浮蝶攫取瑤妃翠帚歸

竹

鳳來倦蝶極伶俜
落葉哀蟬不耐聽
按拍闌干

低亞處那堪更唱雨淋鈴

秋海棠

十八香中此冷香楚詞不熟笑歐陽落英吾欲
烘成屑留點先生鹿尾漿

菊

卓海帆侍郎寄示撤棘後偕陶雲汀制府

林少穆中丞游金陵諸勝之作答和二律

尺縑纔寫芰荷舟

昨過德州屬作荷舟聽雨卷子

又眎新詩踐

勝游萬卷選來千佛貴一襟披到六朝秋江山

虎踞龍盤地主客青鸞紫鳳儔廿載城西訪孫

楚佩壺會上最高樓

看徧高文便看山
籃輿山徑翠回環
江天星見
三台聚公讌
詩分半日閒
花雨剛飛湖上
蘼滄浪舊駐鏡中顏
制府舊繪滄浪七友圖公居其一
賞心說與同
朝慶手採東南桂子還

白樓題筆圖

君筆乃天付湖山
恣舊題拂雲都作采
吐氣自成霓
花外香盈手
杯中酒及臍
摩崖指東岱
萬丈亦能梯

酒樓君獨據
志款亦仙才
佳士心同醉
名山眼

或開梵經離垢得野服稱身裁對管凝神處商
量數點苔

送客至南皮

郎當驟鐸遠聞歌送客西風菊序過古廟鴉聲
初散集大橋狐跡乍封河穿林細路沙痕淺釀
雪同雲海氣多遙想南皮高會處舉觴懷古意
如何

坡公生日集同人賦詩以公十歲至六十
歲故事屬白樓繪圖余用壽字韻成詩六

章並系其後以當圖說

慶歷五年乙酉爲老蘇擬衣帶馬表元祐中入院承旨乃益舊作自用之

先生年十歲書史太君授老蘇誦歐文令公擬表奏帶也垂有餘馬也非敢後成語如已出聰慧驚立就此子他日用佳識應元祐誕生寶眉山趙郡稱世甘命宮坐磨蝎退之若相副東流汗漫才一代文章壽

至和二年乙未游成都謁樂全先生待

以國士與晁美叔訂交

先生年二十卓卓諸生秀成都謁樂全國士待
之厚當時無朋儔晁叔訂蘭臭明年舉進士見
知歐韓富斯文吾輩人作合豈邂逅天生鐵拄
杖願爲羣公壽

治平二年乙巳自鳳翔還朝直史館

先生年三十還朝聽禁漏頻年官鳳翔判院殊
職守英宗耳公名欲以翰林授唐制儘可接近
例不遷就僅得直史館何異牛馬走平生天石

言前詩少不
硯鏗然聲可扣回首宿南溪並詠南山壽

熙口八年乙卯移守密州作超然臺冬
自常山還與同官習射放鷹

先生年四十移任膠西候州城治故臺超然入
雲構常山禱靈霽雩泉飛石榴習射與放鷹同
官卜清齋齋廚何礙貧賦成杞菊後深秋牡丹
開奇事實罕觀試吟雨中花花亦爲公壽

元豐八年乙丑過登州觀海市過萊州
雪後望三山

先生年五十宦游倦奔走薄田在陽羨放歸得
俞奏嗣復朝奉郎除知登州守十年竹馬約高
臺重回首忝余官海東游跡爲官囿海市迄未
觀三山隔遠岫飛夢入蓬瀛餐霞可養壽

紹聖二年乙亥留惠州嘉祐寺旋居合

江樓

先生年六十雲房看斗宿半載留惠州江樓拓
奇秀一和歸田辭淵明堪把袖彼都林媪家雜
花春似繡攜我松黃湯野飲亦可就眼昏復瞭

然天意待公厚但邀孟公豪莫見子由瘦息念
本無疑安健足老壽

畫眉

畫眉入春來不食籠中坐爪長似鉤環喙長似
鈴鎖非不思鳴春無奈兩纏裏誰知鳥意困體
物幸有我翦爪使足舒翦喙使口哆昨攜繞小
園今攜上單舸依然學百舌巧哢春光頗朝來
拉雜聲催詩急於火詩成鳥展翎獠奴一笑嗟

管叔軒都轉連陽秋凱卷子

幕府當年佐上公書生韜略本淹通八排勢蹙
空游釜三捷秋高早掛弓籌筆驛前桃葉暗受
降城外戟枝紅翠巾山歸路看山好恩重義
冠翠羽風

衡山地接粵山高幾載連陽唱賣刀能化徭情
全仗信欲紓軍力敢辭勞風前磨盾心如髮酒
半披圖氣尙豪曾聽譚兵楊汝士瘴烟夜溼舊
征袍

往歲聽召浞園與楊桂
山廉訪夜談軍事甚悉

陶雲汀制府入覲蒙賜御書印心石

屋額寄示謝劄命題二詩

洞庭南去是珂鄉古屋臨流萬木香端正石形

鍾間氣

石在資江方正如印

飛騰墨采麗

當陽書生雅

被茅廬寵全楚榮分國士光

堂陛論心相印

合由來啟沃重明良

撫吳詩久協輿歌磐石勲高養太和

九陛賞

公才學識三江報政漕鹽河磨厓綠字神祇護

照水紅茱雨露多傳說九秋理歸權錦衣重拜

舊巖阿

津門得劉松年人物卷

李唐人物談何易見此清熙畫法迺待詔當年
賜金帶浙西呼作暗門劉

昨年交臂失冰紈今喜摩挲壁尙完可惜南州

情怏怏得來不共翦鐙看

亡友徐秋池昨購此卷未得怏怏者累日

今余仍於市肆得之惜秋池不共賞耳

將抵通壩喜雨東蕉雲水部

侵曉旋風歇河干雨意濃麥鋪平剝溼雲現遠
山重上牖皆春水嚴城欲午鐘潮陰修禊侶一

歲一相逢

魏笛生觀察以舊卷索題四首

借他水榭作書堂一樣巢痕話辟疆
但有墨池曾洗鉢更無紅袖爲添香
月明小憶寒梅影風過時招綠草涼
讀到新城脩楔句百年誰復此

壺觴

右水繪園讀書

好春萬葦綠成海斜日西山黃到樓

此余舊題楹帖舊

句獨呈菩薩笑斯圖猶對寺門秋

張茶農解元作是圖爲丁

亥重

幾吟龍爪留鴻爪

寺中龍爪槐一株

誰質搔頭當

杖頭

曩與同社諸公贊酒登樓不啻數四

最愛吾宗丹粉筆寫來

可似五峯不

右葉段閣記事

送酒開筵江上槎木魚歌裏片帆斜中書秉鑑

清於水五嶺搜才豔似花杯底珠光新箇箇畫

中山色舊袈裟

是圖黃山僧澹靈作

藥階我記陪吟後曾

向仙鄉摘曉霞

右珠江謠別

春風前度柳絲絲

是圖爲余去歲所作

握手停舟又入詩

豹尾初聞

行殿召牙冠應擢外臺時舊書

重讀猶多味好甬能來尙不遲

麥田盼郭外名甬甚亟

園新訪得

近訪李氏園在通流杯合在習家池

右鄧陰
補稷

贈李寶華學博

九君

爲山左金鄉縣秀才

嘉慶十八年匪徒李卓立等起事君先白
有司家爲賊焚劫復集鄉勇擒縛爲首者
事定後當路僅以七品銜請敘經學使黃
左田先生入奏 特旨加賞舉人茲來德
州攝學正篆相見已五十八歲矣

書生武略懾羣邪手斫妖墓折桂花曉走孤城

爲首報夜歸單騎已無家赤心入奏師恩在死
力擒渠 帝命嘉擊劍雄風猶昨日鱣堂相見
鬢全華

林生鴻年何生冠英丙申科以狀元榜眼同時
及第賦詩志喜

天上傳來姓字香八年前記譜霓裳同門及第
春風占二妙齊名楷法良大海魚龍看並起鄉
山旗鼓恰相當閩山左旗右鼓玉堂粉署蟬聯久鄧生瀛郭
生怕蔭先後入翰林江生鴻慰我金鼇引領望
升上官生林本先後入部曹

一代科名會列仙十閩問鼎此開先和羹佳日

梅花塢

梅花塢在閩省之南臺

載酒頻年潞水船

余五度轉漕潞

河值春闈之年諸生必出都修謁

知己

九重恩待報出人頭

地學須全卻思故友同持節未覩今朝衣鉢傳

謂戴湘圃殿撰

臨關盼雨

上田種棉花下田種穀子穀子短於鋤宿雨僅
一指沿河人家屨水忙遠在高岡難取水長官
泥首龍神前誰知老龍抱珠潭下眠炎炎赤繼

罩大野羅沙撒面旋風旋健兒肩鋤走鄰縣前
夕滂沱見流電天公靳此豈一隅玉女泉到雲
爭趨州牧令小吏至泰山取玉女泉弗檐柳枝覆飯甕北風早
換官齋圖我來迎鶴臨關上十萬蒲帆看北向
邪許終宵過牖喧好傳急陣隨新漲

輿夫獻花

輿僮豈是種花手瓦盆獻芹不可負有花排列
卻勝無羸羸布與薄薄酒使君披衣獨蚤起童
子開門常擁帚大田闕雨苦乾燥小花弄姿天

亦厚行將縛架風納涼坐待提壺日沒酉

雜言

累几堆牀亂帙橫午眠空腹待黃精客來問鴈
吾何敢不是潛夫也送迎

乳茄甘瓠翠盤登大杓鸞黃客不勝入網銀刀
付饗子春葱碎雪要清蒸

清明時節藕新栽花向將軍廟外開辜負碧簫

擎象鼻賓僚可望鄭公來

德州將軍廟外新種池蓮

飛蛾撲燭已無端豹腳傳聲夢未安此輩營營

嗟失所開幃柏寢笑齋桓

小槽壓蔗滑流漿苦語田家足稻梁不趁冬苗

放牛馬明年安得麥頭昂

吉安乞病

蔡槐卿太守

廣州死

胡小東太守

中禁當年夜

直同仙李

蘭卿都轉

東來飛雪將何堪江上弔征鴻

捧硯連年悼小紅

姬人壽花紅梧先後短折

輕軀細骨總成

空買花未遇樊通德卻喜東坡勝敬通

未肯藏山老鄭虔

謂殷星喬同年

縣花種滿是何年東

歸聽解浮橋纜待爾開關放畫船

入擁書倉出釣磯六旬太守遂初衣流光谷裏

蛇爭赴真氣瓶中雀竟飛

悼柳泉兄

推枰換世意茫茫洗滌懷人天一方持戒有鉤
破煩惱黑虵不到黑甜鄉

臨清桃紫摘細葉臨清瓜黝剖紅瓢軍門折簡
勞相送勝是官家壓酒囊

芙蓉隱霧吳歌格筵鼓過軍吃語詩夜半鷗絃
聲入破更誰吹簫犯龜茲

壓檐飛瀑快潄潄汲井連甯自此閒高閣行雲

還未已尙留一角米家山

是日看雨於
關前名霽閣

黃雞催曉響雷車一霎傾盆雨勢加直挽天河
掛龍尾武陵蝗盡化魚蝦

與呂育庵莊師劍李白樓晚坐納涼

鎖院沈沈蔭碧柯惜無疊石小坡陀茗鑪近設
烹團月箭道新開籬綠莎著雨花光妃出浴當
風燕影女投梭閒來三友招涼坐卻喜殘霞撲
扇羅

三嬋娟詩

趙次公註東坡詩云文選垂條嬋娟修
竹嬋娟而孟郊有月嬋娟謂之三嬋娟
按孟詩尙有花嬋娟妓嬋娟次公會未
及之且所謂三嬋娟者卽目成妍原不
必拘拘於花月山耶水耶獨非嬋娟耶
垂條修竹兩嬋娟益月而三舊說偏東野詩多
花與妓坡公未盡著於篇女三成粲姝成嬋空
色色空殊可憐卽目休存膠柱意不然山水亦
爭妍

六月八日臨清試院考驗衛弁弓矢旋偕
同人射鵠後圃有作

那見穿楊沒羽來鳴弦幾輩角弓開考勤怡借
衡文地審固還饒中的才懸鵠不妨尋後圃放
鷹何處得高臺遠追坡老膠西興卜晝同官亦
快哉

芝軒相國以祥河門下林何二生同科及
第郵詩爲賀奉和一首

天下文章藥籠收八年種朮若爲留叨依綸

關成私淑喜占鼇峯愜舊游丹荔同時集丹鳳
青雲得路駕青虬公詩一唱傳佳話增寵麤官
東海頭

自借湖豬濟運連日暢行卻寄敬廉階觀
察

停艫兩日悶難支河弱今年轉遲遲半夜郵書
湖水借同時傳箭驛官知飛流乍聽銀瓶瀉得
勢真看快馬馳何異先生親送我一程過處一
相思

陳玉生中丞置義田贍族入覲時上
垂詢及之賜御書義莊扁額頌以謝劄
寄示索詩余家文敏公於雍正朝曾置義
莊千畝奏明係奉祖遺命蒙恩追授少
宰給封典三代實爲曠典族人得霑世
澤與吳門范莊同稱今閩中丞義舉尤深
欽企謹志四首

閱史關憂樂英年慕范莊當官及厚糈贍族有
餘糧地望崇荆楚天題耀梓桑丹墀敷奏

日垂問到茆堂

吳下盡攀裾西江拜命初探花看舊使跨鳳

得除書

君於揚州鳳凰橋接奉升任之命

廉俸分難徧經畚慶

早儲南湖忠孝里允稱使君居

述德慚靈運吾家曠典邀遺田尙千畝厚澤

厯三朝都有春秋祭祠臨江海潮橫雲山下

路何日問耕樵

義舉布天下前賢接後賢讀書初志在愛物萬

民先聖世恩推及儒生事勉旃沙隄他日望

百尺一樓傳

王元章畫梅

煮石清狂筆似仙
盈枝紅雪靜生妍
春風一幅
豈無價九里山中換米年

澹處追摹絕世容
舞衣雙舉不嫌重
當時持比
楊无咎一樣逃禪是正宗

喜雪宿平原正月十一日

一夕雪漫漫同雲意未闌
不愁行路滯眞爲野
人歡瑞氣千花燦
春膏四境寬
山城鐙序近金

鼓破宵寒

家園新葺詩境三楹塔影池中盡攬其勝
大人寄詩命和元韻

柳湖水碧九峯青峯色橫雲是錦屏收拾全家
圖畫裏讀書聲作管絃聽

天然詩境謝雕鐫隔渚秋高古月懸一塔宛如
華頂杖夜明常傍地行仙

偕李夢韶觀察引 覲入都繞道昌平

目送迴帆指玉京輕裝一繞古燕平沿邨細路

斷還續出郭羣山縱復橫立馬窮荒乘傳客尋

碑絕塞舊書情

夢韶著紀程錄

十三陵勢同靈谷

南京孝陵

卽蕭梁靈谷寺舊址

猶記前游白下城

道光丁酉五月初四日蒙 恩擢任豫臬

恭紀二首

納秸

天倉首海東六年全漕賴年豐

轉漕山左六次

全升階更

界中州近遂養還欣一水通

東豫均屬

江蘇近省

迎養尤便讀律才疏慙臬事簪毫歲久徹

宸

聰

垂問軍機

行走八年將勤補拙書生志好措祥刑

化

日中

鑪煙奏對曉風微

四月二十六日召見勤政殿

七日

宣恩

驛騎飛祖德昔聞司憲部

先伯祖文敏公曾任刑部尚書師門

近感寄朝衣

春初文秋潭相國惠寄舊貂朝衣詩天一裘不改新花樣已染天

香四

除銜廉問思臣職載路甘膏肇

帝畿途

甘雨

應時高水軍民勞贈額媿無寸補尙攀依

軍民先後

以公正廉明寬嚴並濟二額送行尤滋媿也

王中峯觀察韓介侯刺史招集酌突泉

聯袂多年判袂難羣仙高會此仙壇垂楊影外

驪初唱流水聲中酒易乾萬卷知添官閣雅觀

察

藏書

一裘記慰使星寒

戊子自閩典試還京途次大雪刺史脫裘見貽

鵲華頗有重來想何日河梁立馬看

舒自葺同年以舊弄澄泥硯贈行賦謝一

首

磨穿瓦硯乍成圖染翰朝朝進境無北去平章

貽鳳咮

王定九相國近贈鵲鵲硯

東來刺史贈龜趺心田亂

礫應全汰藝海游鱗不使枯說與陶泓相印合

剡藤費盡得真趣

安肅道中

山溝出蹇僮人語草叢裏暑行小駐程愛此涼
陰美茶瓜能解渴甜井一槽水坐久覺神爽頭
上烏雲起半天欲雨圖脫腳散霞綺俗諺雲脫
腳雨不成
面店列高樹複互如青山斜照已入地露出月
一彎夜靜得奇景微風動林間素娥手玉梳離
披雙髻鬢靈蛇與墮馬新樣留人寢

六月十八日 召見勤政殿恭紀一首

臯謨統括 訓言詳責重材軫感且惶七省毘

連多莠俗萬民傲畏是良方
宮門陪侍冠裳

肅

是日宮門引見看箭又詣

御膳分頒

餅餌香

蒙賞克食

翌早名牌教親遞

諭令次日遞牌聽候宣

召直廬依舊近
龍光

荷澤途次早行明日卽入豫境

更無亭堠客程遙積潦成池駕土橋高柳風前
晞髮爽雜花露後點脣嬌東來岱色初言別南
下河聲似見招好借蘭陽三日霽到官正及月
圓宵

詩舫詩外卷四終

外孫龐樹

階典

重校